

ZARAUZKO UDALBATZARRA, AKTA

EGUNA, ORDUA ETA LEKUA:

- Maiatzak 18, asteazkena.
- Entsegua: 9:30-10:00; Udalbatzarra: 10:00-11:00.
- Zarauzko Udaletxea, udalbatzar aretoa.

PARTAIDEAK:

Zarauzko Udala:

- Xabier Txurruka, Zarauzko alkatea.
- Gloria Vazquez, Gizarte Politika eta Agenda 21eko zinegotzia.
- Nekane Iribar, Hezkuntza eta Euskara zinegotzia.
- Iban San Martin, Kirolak eta herrilan zinegotzia.
- Maite Garrastazu, Herriko segurtasenero zinegotzia.
- Julen Aranguren, Inmigratioko teknikaria.
- Nerea Ollokiegi, Agenda 21eko teknikaria.

Zarauzko ikastetxeak:

- Antoniano Ikastetxea, Iñaki Erostarbe irakasle koordinatzailea eta ikasle ordezkariak.
- La Salle Ikastetxea, Patxi Pagola irakasle koordinatzailea eta ikasle ordezkariak.
- Lizardi Institutua, Jone Irastorza irakasle koordinatzailea eta ikasle ordezkariak.
- Orokieta Herri Eskola, Silvia Martinez irakasle koordinatzailea eta ikasle ordezkariak.
- Oteitza Lizeoa, Amaia Balerdi irakasle koordinatzailea eta ikasle ordezkariak.
- Salvatore Mitxelena Ikastola, Belen Gonzalez irakasle koordinatzailea eta ikasle ordezkariak.

Ingurugela:

- Edurne Huesa.

ARAZI:

- Eneko Salaberria, Araziko koordinatzailea.

HELBURUAK:

1. Ikasturtean zehar egindako lanaren **aurkezpena** egitea, ikastetxeetako ordezkariak bidalitako argazkien bitartez.
2. Zarauzko ikasleek ekitatearen inguruko diagnostikoa egin ondoren, Udal ordezkariari luzatzen dizkieten **proposamenak** aurkeztea, herriaren egoera hobetzeko helburuarekin.
3. Zarauzko ikasleek ekitatearen inguruko egoera hobetzeko hartzen dituzten **konpromisoak** aurkeztea.
4. Ikasleen **galderak, zalantzak edo bestelako ekarpenak** bideratzea.

BILERAREN BILAKAERA:

Zarauzko alkateak ikasleei ongietorria eman ondoren, Nerea Ollokiegi teknikariak bertaraturiko Udal ordezkariak aurkeztu ditu. Behin aurkezpenak amaituta, Xabier Txurruka alkateak udalbatzar berezi honen sarrera egin du, ondorengo aurkezpenari bide emanez. Hala, Eskolako Agenda 21 programa aurkezteaz gain, Zarauzko ikasleek ikasturtean zehar egindako lana islatzen duen dokumentua proiektatu da, ikastetxearen

barne zein kanpoaldean burututako ekintzak azaldu direlarik. Proiektaturiko aurkezpena amaitzearekin batera, Gloria Vazquez zinegotziak bertaturiko guztiei ongietorria eman eta ikasle zein irakasleek egindako lana eskertu du. Beraz, udalbatzarraren sarrera egin ondoren, proposamenak aurkezteari ekin zaio.

EKITATEAREN INGURUAN BURUTURIKO PROPOSAMENAK ETA UDALAK EMANDAKO ERANTZUNAK:

- Jolas parke ugari dago Zarautzen, baina antzeko jolasekin. Beraz: **Jolas mota gehiago nahi genituzke: arrokak, salto egitekoak, barruan sartzekoak, sokarekin gora eta behera egitekoak, zuhaitzetan etxetxo...** Konpromisoa: Parkeak zaintzen eta modu egokian erabili.

Udalaren erantzuna: Auzoz auzo izeneko programan barneratuta dago, eta bertan 20.000€ko diru-partida dago parkeen mantenu eta hobekuntzarako (umeena zein helduena). Hala ere merkatuan zer dagoen jakiteko azterketa egingo da. Rosaledan eta Aritzbataldeko plazan 3.adinerako parkeak jarri dira.

- Gure galdeketa onduz etorkinak gure herrira etorri direnean hiru arazo nagusi aurkitu dituzte:
 - Hizkuntza dela eta komunikatzeko arazoa.
 - Lana aurkitzeko arazoa, gehienetan prekarioak, ostalaritzan gehienbat, lan asko eta soldata eskasak.
 - Alokairuko etxebizitza aurkitu ezina.

Beraz: **Udaletxeak herrian etorkinei laguntzeko dauden bolondres taldeei lagundu diezaiola. Iritsi berri direnean harrera talde bat sortu, aterpetxe batera zuzendu ahal izateko. Lana aurkitzeko webgune bat sortu eta bertako erabiltzaile izateko herrian dauden ordenagailu zentrutako erabilera erraztu. Etorkinek etxe bat alokairuan hartzeko lege aholkulariren batek adierazi beharko lizkieke beraien eskubide eta betebeharrak eta etxejabeak ere babestuta sentitu beharko lirarteke etxea alokatu dezaten.** Gure konpromisoa (Eskolen Arteko Foroan adostutakoa): Udalak egiten dituen laguntza deialdietan parte hartu (janaria edo arropa bilketa). Bolondres eta instituzioen lana ondo baloratzea.

Udalaren erantzuna: Ez da erraza norberaren jaioterria utzi eta urrutira joatea bizitzera. Ez dira bizitoki berriko ohiturak, hizkuntzak eta baliabideak ezagutzen.

Hori gertatzen zaie gurera iristen diren bizilagun berri askori, batzuk Nikaragutatik datoz, beste batzuk Errumaniatik, baita Pakistandik ere eta beste hamika tokitatik. Lan egitera etortzen dira, etorkizun oparago baten bila, bai beraiantzat eta batez ere baita beraien familientzat ere. Batzuk gaztelaniaz hitz egiten dute (gehienek) eta horrek erraztu egiten du beraien egokitzapena baina beste batzuk ez dute gaztelaniaz hitz egiten eta are gutxiago euskaraz.

Udaletxetik uste dugu denok garelako zarautzarrak eta berdin dela bakoitza non jaiotakoa den eta herrira noiz iritsi den. Baina jabetzen gara kanpotik etorri direnek badauzkatela desabantaila batzuk, hori dela eta Udalak bi esparrutan jarduten du:

- 1- Adin txikikoentzat euskarazko errefortzu programa, gure hizkuntza ikasi dezaten.
- 2- Adin nagusikoentzat:

Harrera programa: Euskara-harrera ikastaro trinko batetik, paperak ateratzeko aholkularitza zerbitzua, Zainketa enpleguari buruzko informazioa, eta atzerriko ikasketa agiriak homologatzeko informazioa ematen dugu.

Oso interesgarria da proposatzen duzuen bertako jendearekin bolondres taldea sortzeko, benetan erraztuko lukeela etorri berrien integrazioa eta gainera harreman-sare bat emango liekete. Udaletxetik saiakera batzuk egin ditugu hori lortzeko baina momentuz ez dugu lortu, nolahi ere etorri berrien integrazio eraginkorra lortu nahi badugu argi daukagu zuek aipatutakoa dela jarraitu behar dugun bidea.

Hala, Zarautzik Mundura eta Mundutik Zarautza ekimenaren bitartez antolatutako bazkarian parte hartzeko gonbidapena luzatuta dago.

- Emakumeak lantegi askotan emakume izateagatik soldata baxuagoak dituzte. Beraz: **Gizarte honetan, non emakumeak eremu gehienetan desabantailan dauden, gobernuak desabantaila horiek ekiditeko neurri zuzenak hartzea.** Konpromisoa: Ni mutila izanik, etxeko lanetan nire arreba

bezala lan egingo dut. Haundia naizenean emakumezko nahiz gizonezkoak kontratatu beharko banitu ez ditut genero bereizketarik egingo.

Udalaren erantzuna: Oso inportantea da hartu duzuen konpromisoa. Bakoitza bere bizian pertsona guztiak errespetatu behar ditu. Baita etxeko lanak banandu familia osoaren atean, mutilek eta neskek lan berberak egin ditzakezue eta.

Enpresetan ere, emakumeek zein gizonek lan berbera egiteko gaitasuna daukagu eta lan berberagatik soldata berbera kobratzeko. ONDO ESATEN DUZUEN BEZALA, ENPRESa batzuetan gizonek emakuek baino soladuta handiagoa daukate lan berbera egiteagatik. Horri brecha salarial deitzen zaio.

Udalak ez dauka zereginik enpresa arlo honetan. Baina zeozer egin dezakegu. Udal ordenantza garatzen ari gara, berdintasunaren aldeko hainbat irizpide kontutan hartzeko. Adibidez, udalak enpresa bat kontratatzeko eskatu genezake enpresa horretan soldaten desberdintasun horiek ez egotea. Eta askoz gauza gehiago ere.

Beharbada, zeozer berri egin ditzakegu arlo honetan Zarauzko enpresetan berdintasun irizpideak lantzeko. Pentsatuko dugu.

Baita sentsibilizazio kanpainak ere egin ten ditugu, orokorrean, emakumearen eskubideak errespetatzeko. Oso garrantzitsua da gizarte osoa eta bereziki mutilek eta gizonek berdintasuna errebindikatzea. Zuek, neska eta mutilek, modu desberdinean bizi behar duzue, gauzak aldatzeko. Inor ez baita besteok baino hobeto neska hala mutila izateagatik. Hori da feminismoa defendatzen duena.

- **Udalak erabilpenik gabe duten guneak, aterpe gisa erabili (etxe bizitza moduan egokitu).**

Udalaren erantzuna: Alde batetik daukagu 16 babes ofizialeko etxebizitzak eta 6 pisu larrialdetarako. Adibidez, tratu txarrak jasaten dituen emakme bat hauetako pisu batean bizi daiteke bere egoera konpondu arte.

Bestetik, etxegabeei babesa ematen diegu Diputazioarena den eraikin batean, Igerain aterpearen atzean. Diputazioak Udalari baimena ematen digu eraikin hori erabiltzeko azarotik, martxora bitartean. Zerbitzu hori erabiltzen duten pertsona gehienak ez dira zarauztarrak. Kanpotik etortzen dira, Gipuzkoan horrelako leku gutxi daudelako. Beste herri batzuetan ere horrelako etxeak irekitzea garrantzitsua da. Onena izango zen pertsona hauen egoera zuzentzea. Ongizate departamentuaren lan ildo bat da kale gorrian inor ez geratzeko laguntza eman eta daudenak laguntzeko.

Bost hilabete horietan guztira pertsona erabili dute zerbitzu hori. Gauero 15 pertsona lo egin dezakete etxe honetan.,

Aurten zabaldu dugu zerbitzu hau. Lehen bakarrik lo egiten zuten, baina orain arratsaldeko 6 etan sartzen dira eta goizeko 11etan atera. Bitartean, afaria prestatzen dute, dutxa hartu, arropa garbitu, ordenadorean ibili etabar. Bazkaria taberna batean ordaintzen diegu. Lortu nahi dugu egunen zehar ere irekita egotea. Gainera lan bat egiten dugu pertsona hauek gizarteratzeko. Pertsona hauek dauzkaten arazoak egoera honetan egoteko anitzak dira eta ez da erraza. Baina aurten, sistema berri honekin lortu dugu 8 pertsona gizarteratzeko prozesu bat hastea eta hori pozgarria da benetan.

- Azken 9 urteetan Espainian 612 emakumezko erahilak izan dira bere gizonezko bikotearen eskutik. Urterik beltzena 2010 izan zen erahildako 85 emakumeekin. Iaz 64 emakume izan ziren indarkeriaren biktima. Beraz: **Gobernuak, udaletxeak mehatxupean bizi diren emakumeak babestea, horrelako egoeretan dauden emakumeei entzun eta lagundu. Ikastetxeetan sistematikoki programak lantzea etorkizuneko genero indarkeria ekiditeko.** Konpromisoa: Pertsonak errespetatuko ditugu: zahar, gazte, gizon, emakume, pobre, aberats, denak errespetatuko ditugu eta premi gehiago dituenari lagunduko diogu.

Udalaren erantzuna: Zarauzko udalak lan inportante bat egiten du tratu txarrak jasaten duten emakumeak laguntzen. 2010 urtetik, Zarautzen gertatuko tratu txarren kasuak 30 izan dira, batzuek bestekoa. Kasu hauetan batzuk gizonek jasaten duten, baina bakarrik kasu guztietatik %4a izaten dira. %96a emakumeen kontrako tratu txarrak dira. Ongizate departamentuan gizarte langile bat espezializatua dago gai honetan eta emakume hauek laguntzen ditu egoera hori gainditzeko. Baita diru laguntzak daude, larrialdietarako pisuak eta zerbitzu psikologikoa beraiek eta bere seme alabak bizi diren arazoa gainditzeko. Koordinatzen gara ertzaintza eta anbulategiarekin tratu txarrak jasaten dituzten emakumeak ahalik eta hobeto laguntzeko. Dena den, ez dakigu egoera horretan dauden emakume guztiak ezagutzen dituzten laguntza hauek. Horregatik, sentsibilizazio kanpainak egiten ditugu, ezagutarazteko eta baita denon artean arazo horrekin

bukatzeko.

Azaroaren 25 da tratu txarrak kontrako eguna. Egun horretan Emakundek garatzen duen Beldur barik kanpainan parte hartuko dugu eta parte hartzeko aukera izango duzue.

Zarauzko Udalak Hezkidetzaren programak garatzen ditu zuen ikastetxe guztietan. Orain programa berri bat sartu dugu, whatsapp tailerra da eta DBH 3 mailan egingo dugu ikastetxe guztietan. Konturatu garelako whatsapp eta sare sozialen bidez ere tratu txarrak gertatzen direla gaur egun, gazteen artean. Ezagutzen baduzue tratu txarreko kasu bat irakasleei esan, dudarik gabe.

Baita ere, aurten hezkidetzaren foroa sortu dugu ikastetxe, PAREKIDETASU SAILA eta berritzeguneren artean, Zumaian eta Zarautzen. Momentuz. Martxoaren 8an giza katea egin genuen, gogoratuko duzue eta atzo homofobia eta transfobiaren eguna ospatzeko arcoiris pankartak jarri zenituzten ikastetxeetan eta hemen udaletxean.

Tratu txarrak Zarautzen:

Primera atención						
	2010	2011	2012	2013	2014	2015
Servicios sociales	14	16	10	13	17	6
Ertzaintza	11	7	11	21	13	15
Centro Salud Mental	1	0	9	2	1	1
Ambulatorio	sin datos	sin datos	sin datos	sin datos	6	?
Total	26	23	30	36	37	22

Víctimas por sexo						
	2010	2011	2012	2013	2014	2015
Mujeres	25	23	29	36	32	22
Hombres	1	0	1	0	5	2
total	26	23	30	36	37	24

- Zebrabide batzuetan kotxeak ez dira gelditzen eta azkarregi pasatzen dira (suhiltzaileen parekoan, San Pelaion Beasain aldea, Salbide eta Azken Portu lotzen dituenak). Beraz: **Zebrabideetan kotxeak polikiago joateko neurriak hartu (badenak, semaforoak...).**

Udalaren erantzuna: Helduentzako heziketa prestatzen ari gara, haiek baitira akats gehien burutzen dituztenak. Bestetik, guztion erantzukizuna oso garrantzitsua da.

- **Gure Hizkuntza eta kultura erakusteko baliabideak jarri. 12-16 urteko ikasleek ez dute euskara ikasteko aukera ez Udal euskaltegian, ezta aek-n ere.**

Udalaren erantzuna:

Zuzendu beharrean aurkitzen naiz, izan ere 12-16 bitarteko gazteek badute aukera euskarazko errefortzu ikastaroa egiteko, hain zuzen ere Udal Euskaltegian izaten dute astean bitan.

KANPOTIK ETORRITAKO IKASLEENTZAKO "ERREFORTZU IKASTAROA"

2014ean Euskara Aholku Batzordearekin elkarlanean, Zarauzko Udalak kanpotik etorritako ikasleen hizkuntza egoera aztertu zuen. Azterketa horren ondorioz euskara ikasteko laguntza eskaintzea proposatu zen eta hala egiten ari gara 2015eko urtariletik aurrera.

2015-2016 ikasturtean Lehen Hezkuntzako 16 ikaslek hartzen dute parte, astean bi egunetan, ordu beteko

saioetan. Irakaslea AEKkoa da eta haurrentzako bideratutako metodologia erabiltzen du. DBHko ikasleak 29 dira. Udal Euskaltegira joaten dira astean bitan, eta ordubeteko saioak egiten dituzte. Egitasmoaren helburua bikoitza da:
Alde batetik eskolan ikasten duten euskara indartzea.
Bestetik euskara beste testuinguru batean ezagutzea, lagun giroan, jolas giroan... horrela izan daitezkeen kontrako jarrerari aurre egiteko.
Egitasmoak oso balorazio ona izan zuen aurreko urtean, eta ikasturte honetan ere halaxe izango dela uste dugu.
Badakigu gehiago egin beharrean gaudela, baina ikaskide guztien laguntza ere beharrezkoa izango zaigu, kanpotik etorritako lagunei euskara ikasteko erraztasunak eta animoak emateko benetan garrantzizkoa baita guztion elkarlana.

EUSKARA-HARRERA IKASTAROA ETORRI BERRIENTZAT

- Kanpotik bizilagun berri batek, gurera iristen denean informazio zuzen eta eraginkorra behar du. Horregatik, Inmigratio teknikaria harrera saioak antolatzen hasi zen 2012an. Hasieran egun bakar bateko saioak ziren, baina gero egun batzuetako ikastaro bihurtu ziren. Ikastaroa urria-abenduan egiten zen eta parte hartzaileek balorazio ona egiten zuten.

Guztira 50 bat bizilagun berrik parte hartu dute saio hauetan.

- Aldi berean, Euskara departamentuak AISA euskara ikastaroak antolatu izan ditu urte askotan etorri berrientzat. Oinarrizko edukiak ematen ziren ikastaro honetan. 60 orduko ikastaroa zen, hiruhilabete batean egiten zena, Udal Euskaltegian.
- Bi ikastaro hauek izandako harrera ona ikusita bi egitasmoak uztartzea erabaki zen eta orain, ikastaro bakar batean euskarako oinarrizko esamoldeak eta harrerako edukiak eskaintzen dira Udal Euskaltegian.

Ikastaroan izena ematea borondatezkoa eta matrikularako 10 euro ordaindu beharko dira.

Urtero bi txanda egiten dira, bat udazkenean eta bestea udaberrian. Aurtengo bigarren txanda oraintxe ematen ari dira.

Bukatzeko konpromiso bat eskatu nahi nizueke. Kanpotik datozenek ez dakite, normalean, hemen hizkuntza propio bat dugula, Europako zaharrenetarikoa, guretzat altxor bat dena. Zuei eredu izatea eskatuko nizueke erabilerari dagokionean, beraiek ere ikus dezaten hizkuntza bizia dela, ez eskolan eskatzen zaien zerbitu bakarrik.

- Zarautzen daukagun kirol eskaintza zabala dela eta biztanlegoaren ehuneko oso handi batek jarduera fisikoren bat egiten duela garbi dago. Kirol federatua ere kopuru eta maila oso altua dago. Aldiz, "EZINDUEK", kirolean parte hartzeko aukera gutxi dituzte (txirrindularitza, pilota,...). Beraz: **Udalaren laguntza jasotzen duten kirol elkarte guztiei (herriko elkarte guztiek jasotzen dute laguntza udalaren aldetik), urtean egun batean beraien kirola ezinduei egokitzen behartu eta taldeak sortzera animatu beharko litzaieke.** Konpromisoa: Elkarrekin antolatuko lituzkeen saio hauetara, parte hartze aktiboa izango genuke, jokalarik "ezindu" moduan nahiz antolaketan.

Udalaren erantzuna: Kirolaren Zarauzko eskaintza, zuek diozuen moduan zabala da; hiru eremutan bereizi genezake.

Eskola adineko kirola - eragileak: udala eta ikastetxeak

Parte hartzeko kirola - eragile nagusia: udala

Errendimendu kirola - eragile nagusia: klubak

Era berean, Udal kirol politikaren ildo orokorrari buruz adierazi ondorengo baieztapena:

"Jarduera fisikoak inklusiboak eta guztiontzat izan behar du; kirola unibertsala da eta herritar guztien garapen fisiko, psikologiko eta sozialerako ezinbesteko aldagaia da".

Horregatik Zarauzko Udalak ondorengo esku-hartzeak ditu martxan gaur egunean behar berezidunen jarduera fisikoaren eskaintza ziurtatu asmoz:

- Eskola kirolean: Gipuzkoako kirol egokituko federazioarekin hitzarmena sinatzen du urtero Udalak. Horri esker, eskola adinean dauden behar berezidunek Eskola kiroleko proiektu integrala daukate aukeran.

- Parte hartzeko kirolean: behar berezientzako igeriketa saio bakarkakoak eskaintzen dira eta larunbatetan zumba-kids egokitua, doan kiroldegian, ezgaitasuna duten herritarrentzat.

- Errendimendu ibilbidean: Gipuzkoako kirol egokituko federazioarekin elkarlanean Txirrindularitza elkarteak behar berezidunentzako proba antolatzen dute urtero Zarautzen. Era berean, zuten proposamenak klub-

eskaintza herritar ezinduentzat zabaltzeko aukera ematen du. Arraunean hainbat saiakera izan dira, baina ez da nahikoa. Landuko dugu gipuzkoako kirol egokituko federazioko teknikari adituekin diru-laguntzen bidetik. Gainera, alkateak honakoa galdetu die bertaraturiko guztiei: begiak estalita korrika egin al duzue inoiz? Eta norbaiten laguntzarekin egingo al zenuten? Erantzunak baikorrak zirela ikusirik, halako ekitaldi bat antolatzeke hitza eman du alkateak.

- Baldintza ekonomiko eskasak dituzten ikasleen familiekiko ekitatea lortzearen... **Gazte hauen eskolarizazioan laguntzea (matrikulak, bekak, garraioa, eskola partikularrak emateko baliabideak,..)**. Konpromisoa: Eskolako materiala jasotzeko kanpainak egiteaz gain, ikasleak, behar duten ikasleei eskola partikularrak ematera konprometitzen gara eskola partikularren baliabide horietan oinarrituz.

Udalaren erantzuna: Zarauzko udaleko bi departamentuk (Hezkuntza eta Inmigrazioa) dagoeneko pauso batzuk eman dituzte arazo ekonomiko eta didaktikoak dituzten ikasleei laguntzeko. Proiektuak "ikaslagunak" izena du, eta proiektu honen bitartez babes osoa eta zabalak eskaini nahi da.

Irakasle boluntario batzuk baditugu eta elkarte osatzeko behar duten laguntza eskainiko diegu. Elkarte osatu behar da udalak juridikoki gauzak txukun egiteko.

Udal Eskola Kontseiluan eskoletako zuzendariei boluntario gehiago eskatuko dizkiegu eta boluntario talde polita lortzen dugunean, eskolek proposatzen dituzten ikasleei boluntario bat jarriko diegu.

Idea da boluntario bakoitzak ikasle bat edo bi izatea; gehiago ez. Horrela hobeto lagunduko die.

Datorren ikasturtean jarri nahi da martxan; 2916/17an

Proiektu honen helburua ez da lanak egiten laguntzea bakarrik, ikasturtea errazagoa izan dakien. Beste helburu garrantzitsu bat ere badu. Azken finean, haur eta gazte hauetako batzuk beren sorterrria eta azken urtetan izan duen familia utzi eta hemen txertatu behar dute, hizkuntza berriarekin, kultura eta ohitura berriekin, aspaldian ikusi ez duten amarekin... Egoera gogorra da, eta guk ikaslaguna programarekin erreferentzia izango duen pertsona bat jarri nahi diogu guzti honetan laguntzeko.

Proposamenak erantzun ondoren, entzule gisa etorri diren ikasle eta irakasleei galderak edo bestelako ekarpenak egiteko aukera luzatu zaie. Hala, ikasle batek, erantzun argiagoa lortzearen, **parkeak berritzearen inguruko galdera** berregin du. Ondorioz, udalaren aldetik honakoak gaineratu dira: *Salbideko parkea estali egingo da. Gainera, aurtengo aurrekontua 20.000€koa da, baina datorren urtean eta ondorengoetan bestelako aurrekontuak izango dira eta proposamena kontutan izango da.*

Beste ikasle batek **enpresetan ematen den genero ezberdintasuna konpontzeko aldarrikapena egitea eskatu dio udalari**. Ondorioz, udalaren aldetik honakoak gaineratu dira: *alderdi politikoaren bitartez beste erakundeetan egin dezakete. Gainera, udalak egin dezakeena ere garrantzitsua da (enpresak kontratatu ahal izateko baldintzak eskatu).*

Azkenik, ikasle batek **Eskolako Agenda 21 programaren inguruko galdera** egin du eta Ingurugelako Edurne Huesak erantzun dio (Arabian, Gipuzkoan eta Bizakaian Ingurugelaren bitartez garatzen den programa dela azaldu du).

Agenda 21eko zinegotziak ikasleei egindako lanagatik eskerrak eta zorionak eman dizkie, baita irakasleei, Araziri eta Ingurugelari ere.

Amaitzeko, alkateak, ikasleen parte-hartzea eskertuz, ekarpenak jasotzeko udaletxeko ateak beti zabalik egongo direla gaineratu du. Horrenbestez, udalbatzarrari amaiera eman eta prestatutako hamaitetako ekologikoa hartzeko gonbitea luzatu du.

Udalbatzarreko hainbat irudi:

